

BESTELAKO XEDAPENAK

EKONOMIAREN GARAPEN, JASANGARRITASUN ETA INGURUMEN SAILA

4238

AGINDUA, 2023ko irailaren 5ekoa, Ekonomiaren Garapen, Jasangarritasun eta Ingurumeneko sailburuarena, zeinaren bidez 2023rako deialdia egiten baita nekazaritza-azpisektorearen dibertsifikaziorako laguntzetarako, ekoizpenaren eraldaketari edo kalitateari lotutako berrikuntzaren eremuan, minimis laguntzen erregimenaren barruan.

Euskal nekazaritza-sektorearen ezaugarri nabarmenetako bat da ekoizpen-azpisektore askotan dibertsifikatuta egote, eta hori, era berean, gure eremu geografiko txikiak iparraldetik hegoaldera duen egiturazko aniztasun agroklimatikoaren ondorioz gertatzen da.

Hala, euskal nekazaritzan, honako azpisektore hauek daude presente: baratzezaintza, frutagintza, zerealak, patata, erremolatxa, oleaginosoak, olibadiak eta mahastizaintza; bai eta abeltzaintzako azpisektoreak ere, hala nola esnetarako behiak, haragitarako behiak, ardi-esnea, arrautzetarako eta haragitarako hegaztiak, txerriak, zaldiak, untxiak eta erlezaintza. Horrez gain, basogintzako azpisektore indartsu bat dago, papera eta egurra ekoizteko espezieen landaketei lotua.

Aniztasun horren ondorioz, eta azpisektorearen baten koiuntura ekonomiko txarra gorabehera, EAEko BPGd-ari ekarpen makroekonomiko orekatua eta egonkorra egiten zaio.

Hala ere, gure nekazaritzako ikerketa- eta berrikuntza-zentroak ekoizpen-nitxo oso berritzaileak eta errentagarritasun ona izan dezaketenak detektatzen ari dira, sail honi hiru helburu estrategiko hauek lortzen laguntzen diotenak:

- Gure herrialdean elikagaiak eraldatzeko eta merkaturatzeko egitura berriak finka daitezen ahalbidetzea.
- Elikagaiak kalitate ziurtatuko erregimenetan ekoizteko dugun politika indartzea.
- Ekintzaile gazteak nekazaritza-sektorean sartzeko ekoizpen-aukera berriak ematea, sektore hori gaztetze aldera.

Ildo horretan, agindu honek minimis erregimeneko laguntzak planteatzen ditu, berrikuntzarekin, kalitatearekin edo eraldaketarekin lotutako ekoizpen-nitxo berritzaile horietan sartzearen aldeko apustua egiten duten edo haietan dagoeneko presente dauden ekintzaileei laguntzeko.

Agindu honen bidez, aurtan, laguntzak emango zaizkie beren ekoizpen osoa edo ekoizpenaren zati bat azpisektore edo nitxo hauetako baten batean inskribatzen duten ustiategi-titularrei: lupulua, barietate jakin batzuetako ogitarako zerealak, fruitu lehorreko zuhaitzak (intxaurrendoa eta hurritza), ahuntz-esnea, trufa, endurance zaldiak, eta gizakiak edo animaliak elikatzeko hotzeko prentsaketako oleaginosoak.

Deialdiak aurrekontu-kreditu nahikoa du Euskal Autonomia Erkidegoko 2023ko ekitaldirako Aurrekontu Orokorra onartzen dituen abenduaren 23ko 15/2022 Legean.

Halaber, eta Dirulaguntzei buruzko azaroaren 17ko 38/2003 Legearen 8. artikuluan adierazitakoarekin bat etorriz, Ekonomiaren Garapen, Jasangarritasun eta Ingurumeneko Sailaren 2021eko, 2022ko eta 2023ko Dirulaguntzen Plan Estrategikoa bigarrenez aldatzen duen 2022ko otsailaren 16ko Aginduan dago sartuta dirulaguntzetarako deialdi hau. 2023ko otsailaren 20ko Aginduaren bidez, laugarren

aldiz aldatu da Ekonomiaren Garapen, Jasangarritasun eta Ingurumen Sailaren 2021eko, 2022ko eta 2023ko Dirulaguntzen Plan Estrategikoa. Aipatutako plan estrategiko hori Ekonomiaren Garapen, Jasangarritasun eta Ingurumen Sailaren webgunean dago argitaratuta (<https://www.euskadi.eus/gobierno-vasco/-/plan-departamental/plan-estrategico-subvenciones-depart-desarrollo-economico-infraestructuras-2021/>). Agindu honen bidez, elikadura ekologikoa, tokikoa, jasangarria eta osasungarriagoa sustatu nahi da, azpisektore berriak ezartzeko laguntza emanda.

Laguntza horiek honako hauen babespean daude: Batzordearen abenduaren 18ko 1408/2013 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua nekazaritza-sektorean minimis laguntzak aplikatzeari buruzkoa, eta Batzordearen otsailaren 21eko 2019/316 (EB) Erregelamendua, zeinaren bidez aldatzen baita 1408/2013 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua nekazaritza-sektorean minimis laguntzak aplikatzeari buruzkoa.

Halaber, hauek ere aplikatu behar dira: Administrazio Publikoen Administrazio Prozedura Erkidearen urriaren 1eko 39/2015 Legea; Sektore Publikoaren Araubide Juridikoaren urriaren 1eko 40/2015 Legea; azaroaren 11ko 1/1997 Errege Dekretuak onartutako Euskadiko Ogasun Nagusiaren Antolarauei buruzko Legearen testu bateginaren VI. titulua eta VII. tituluaren III. kapitulua; Emakume Nekazarien Estatutuari buruzko urriaren 15eko 8/2015 Legea; Dirulaguntzei buruzko 38/2003 Lege Orokorrean adierazitako oinarritzko arauak, eta azken horren erregelamendua onartzen duen 887/2006 Errege Dekretua.

Eta Jaurlaritzari buruzko ekainaren 30eko 7/1981 Legea aplikatuta, haren 26.4 artikulua xedatzen du ezen, Jaurlaritzako kide gisa dagozkien eskumenei kalterik egin gabe, sailburuek beren sailari dagozkion gaietan administrazio-xedapen orokorrak eta ebazpenak emateko eskudantzia dutela.

Hori dela eta, honako hau

EBAZTEN DUT:

Lehenengoa.– Laguntzaren xedea.

ekoizpen-azpisektore hauetako ustiatagietarako 2023ko laguntzak iragartzea: lupulua, ogitarako zerealak, fruitu lehorrak (intxaurrondoa eta hurritza), ahuntz-esnea, trufa, endurance zaldiak, gizakiak edo animaliak elikatzeko hotzeko prentsaketako oleaginosoak, eta olibadia. Izan ere, laguntzen helburua da berrikuntzarekin eta kalitatearekin lotutako nekazaritza-nitxo berriak abian jartzea, eta, era berean, euskal nekazaritza-sektorea eraldatzeko eta gaztetzeko prozesuak bultzatzea.

Bigarrena.– Finantzaketa.

1.– Agindu honen babesean eta Euskal Autonomia Erkidegoko Aurrekontu Orokorren kargura 2023ko ekitaldian eman beharreko laguntzen gehieneko zenbatekoa 500.000 euro da, eta honela banatuko da ustiatagien artean:

- a) Lupulu-ustiategiak: 40.000 euro.
- b) Ogitarako zerealen ustiategiak: 20.000 euro.
- c) Fruitu lehorraren ustiategiak (intxaurrondoak eta hurritzak): 40.000 euro.
- d) Ahuntz-esnearen ustiategiak: 72.000 euro.
- e) Trufa-ustiategiak: 35.000 euro.

- f) Endurance zaldien ustiategiak: 20.000 euro.
- g) Gizakiak edo animaliak elikatzeko oleaginosoen ustiategiak: 120.000 euro.
- h) Olibadi-ustiategiak: 153.000 euro.

2.– Baldin eta azpisektore jakin baterako nahikoa eskaririk ez badago aurreko apartatuan adierazitako diru-esleipenak estaltzeko, sobera gelditzen diren zenbatekoak aurrekontu-premian dauden sektoreei esleitu ahal izango zaizkie, beren eskaerak betetzeko. Soberako kreditu-gerakin guztiak azpisektore defizitarioei esleituko zaizkie, azpisektore defizitarioen espediente kopuruaren arabera, handienetik txikienera.

3.– Dirulaguntza jasotzeko eskubidea duten onuradunen kopuruak aurreikusi den finantzaketaren zenbateko osoa gainditzen badu, 4. apartatuko bosgarren ebazpen-zatian adierazitakoa beteko da.

Hirugarrena.– Onuradunak.

1.– Laguntza hauen onuradun izan ahalko dira eskabidea egiteko unean Dirulaguntzei buruzko azaroaren 17ko 38/2003 Lege Orokorraren 13. artikuluko betekizunak eta honako betekizun orokor hauek betetzen dituzten pertsona fisiko edo juridikoak:

a) Euskal Autonomia Erkidegoan kokatutako ustiategi baten titularra izatea, edo sektorean sartzeko prozesuan egotea Gaztenek programaren barruan (onetsitako proiektua).

b) Ustiategia Euskal Autonomia Erkidegoko Nekazaritza Ustiategien Erregistro Orokorrean inskribatuta egotea.

c) Abereen osasunari, higienerari, ongizateari eta trazabilitateari buruzko indarreko arauak betezea, eta zigorrik jaso ez izana arlo horietan berorietan deialdi honen aurretiko azken hiru urteetan.

d) Zergen arloko betebeharrak eta Gizarte Segurantzarekikoak egunean izatea, eta dirulaguntzak itzultzeko betebeharrak ordainduak izatea.

e) Minimis erregimenean 20.000 euroko laguntzarik jaso ez izana, edozein kontzeptutan, deialdi honen aurreko bi ekitaldi fiskaletan eta abian den ekitaldi fiskalean.

f) Eskatzaileek jakinarazi behar dute diruz laguntzen den gastu bera ordaintzeko beste dirulaguntza, laguntza, diru-sarrera edo baliabide ekonomikorik eskatu dioten ala ez administrazio publiko edo ente publiko edo pribaturen bati, eta eskuratu duten ala ez. Halakorik eskatu edo eskuratu bada, laguntza eman duen entitatea zein den eta zenbateko laguntza jaso den jakinarazi beharko da.

Era berean, jakinarazpen horrekin batera, aurreko bi ekitaldi fiskaletan eta abian den ekitaldian jasotako gainerako minimis laguntzei buruzko berariazko adierazpen bat aurkeztu beharko da. Betekizun horiek bete beharko dira bai onuradun izateko eta bai emandako dirulaguntza likidatu arte onuradun izaten jarraitzeko.

2.– Honako hauek ezin izango dira laguntza hauen onuradun izan:

a) Dirulaguntzak edo laguntza publikoak eskuratzea eragozten duen ebazpen edo epai irmo batekin zigortuta edo kondenatuta daudenak; prebarikazioagatik, eroskeriagatik, ondasun publikoak bidegabe erabiltzeagatik, influentzia-trafikoagatik, iruzurrengatik, legearen aurkako ordainarazpenengatik edo hirigintza-delituengatik zigortuta edo kondenatuta daudenak; eta laguntza jasotzeko legeko debekuren bat dutenak, sexu-bereizkeriagatik debekuak barne, bat etorriaz Emakumeen

eta gizonen berdintasuna lortzeko eta emakumeen kontrako indarkeria matxistarik gabe bizitzeko legearen testu bategina onartzen duen martxoaren 16ko 1/2023 Legegintzako Dekretuan xedatutakoarekin.

b) Konkurtso-deklarazioa eskatu dutenak; edozein prozeduratan kaudimengabetzat jo direnak edo konkurtsoan deklaratu direnak, (salbu eta konkurtso horretan hitzarmen batek eraginkortasuna hartu badu); epailearen esku-hartzearen mende daudenak, edo Konkurtsoari buruzko uztailaren 9ko 22/2003 Legearen arabera desgaituta daudenak, konkurtsoaren kalifikazio-epaian ezarritako desgaituntza-aldia amaitu gabe.

c) Kausaren batean errudun deklaratuak izateagatik Administrazioarekin egindako kontratu bat suntsiaraztea eragin dutenak.

d) Kargu publikodunen jokabide kodea eta haien interes gatazkak arautzen dituen ekainaren 26ko 1/2014 Legean ezarritako kasuren batean daudenak (pertsone fisikoak, merkataritza-sozietateen administratzaileak nahiz beste pertsona juridiko batzuen legezko ordezkariak), edo Hauteskunde Araubide Orokorraren ekainaren 19ko 5/1985 Lege Organikoan araututako hautapen bidezko karguren bat dutenak, lege horietan ezarritakoaren arabera.

e) Zerga-egoitza erregelamenduz zerga-paradisua gisa kalifikatutako herrialde edo lurralde batean dutenak.

f) Berreskuratze-agindu baten mende daudenak, Europako Batzordeak aurretiaz erabaki badu laguntza bat legez kanpokoa dela eta ezin dela barne-merkatuarekin bateratu.

3.– Lehenago adierazitako baldintza orokorrez gain, baldintza espezifiko hauek ere bete beharko dira:

a) Lupulua hazten duten ustiategien titularrei dagokienez:

– Behar bezala erregistratutako lupulu-ekoizleen elkarte bateko kide izatea.

– 2023an gutxienez 0,15 hektarea lupulu haztea.

– Ustiategia ekoizpen merkaturagarrian badago:

• Batzordearen 2006ko abenduaren 14ko 1850/2006 (EE) Erregelamenduaren arabera ziurtatuta egotea ekoizpena.

• Garagardoa ekoizteko, ekoizpena Euskal Garagardo Elkarteko egileei komertzializatzea.

• Beste ekoizpen batzuetarako, ekoizpena EAEko operadoreei jartzea lehentasunez.

b) Ogitarako zerealak hazten dituzten ustiategien titularrei dagokienez:

– 2022. urtean (2022-2023ko kanpaina) gutxienez 20 hektarea zereal erein izana, ogitarako espezie eta barietate hauetako baten batenak: garia (Espelta, Soissons, Rebelde edo Filon barietateak) eta zekalea (ogitarako edozein barietate).

– Basque Label Okindegiak elkarteko kidea izatea eta Arabako Aleak markaren ekoizle gisa inskribatuta egotea Hazi fundazioaren erregistroetan.

– Ekoizpena Euskal Ogia egiteko merkaturatzea.

c) Fruitu lehorreko zuhaitzen (intxaurrondoak eta hurritzak) ustiategien titularrei dagokienez:

– 2023. urtean gutxienez hektarea bat intxaurrondo edo hurritz landatzea.

– Ekoizpen ekologikoaren ziurtagiriaren babespean edo 4.0 nekazaritzari lotutako aholkularitza egiaztatuaren bidez laboratzea (fertiirrigazioa; tantakako edo mikroaspertsio bidezko ureztapena, hala badagokio; lurzoruen analisia; ongarritze selektiboa, eta abar).

– Ekoizpenean egonez gero, fruituak ustiatzean ontziratzea edo enpresa eraldatzailearekiko kontratua izatea.

d) Ahuntz-esnearen ustiatzearen titularrei dagokienez:

– Ustiatzea Abeltzaintza Ustiatzearen Erregistroan inskribatuta egotea.

– Behar bezala erregistratutako ahuntz-ekoizleen elkarte bateko kide izatea.

– 2023. urtean gutxienez jendezko 50 ahuntz-buru izatea.

– Esnearen errendimendu- eta kalitate-kontrolak egitea EAEn erregistratutako aholkularitza-zentro baten bidez, eta erreferentziako laborategi baten ziurtagiria izatea.

– Esnea ustiatzean eraldatzea, artisau-gazta, gazta ekologikoa edo Label Gaztaberri markako gazta ekoizteko, edo esne-ekoizle gisa erregistratuta egotea Label Gaztaberri gazta ekoizteko.

e) Trufa hazten duten ustiatzearen titularrei dagokienez:

– 2023an gutxienez 0,5 hektarea berri lantzea ustiatzean:

– Arabako Boilurra kooperatiba-elkarteko kide izatea edo ekoizpena elkarte horren bidez merkaturatzea.

– Tuber melanosporum Vitt ondoarekin mikorrizatutako arte edo haritz bidez haztea trufa.

f) Endurance zaldiak dituzten ustiatzearen titularrei dagokienez:

– Ustiatzea Abeltzaintza Ustiatzearen Erregistroan inskribatuta egotea.

– 2023an endurance edo raid genotipoko 3 behor eta 10 moxal erostea/ezartzea gutxienez.

– Gutxienez 5 hektareako dimentsioa izatea.

– Abeltzaintza-jarduera errentarako edo ekoizpenerako beste abeltzaintza-jarduera batekin osatzea.

g) Gizakiak edo animaliak elikatzeko oleaginosoak hazten dituzten ustiatzearen titularrei dagokienez:

– 2023an gutxienez hektarea berri bat koltza, liho edo ekilore haztea erabilera industrialetarako (hotzeko prentsaketa, findu gabe).

– Ekoizpena fingailurik gabeko bitarteko mekanikoen bidez eraldatzea, eta ekoizpena bideratzea: % 50 gutxienez animalien elikadurara, eta % 30 gutxienez giza kontsumora.

h) Trufa hazten duten ustiatzearen titularrei dagokienez:

– 2023an gutxienez 1 hektarea lantzea ustiatzean:

– APRORAKo olio-errotan ehotzea.

– Eusko Labelen edo ekoizpen ekologikoan inskribatuta egotea edo, hala badagokio, ekoizpenaren % 50 merkaturatzea.

Laugarrena.– Diruz lagundu daitezkeen jarduerak eta gastuak eta gauzatze-epea.

Diruz lagundu daitezkeen gastuei dagokienez, Dirulaguntzei buruzko azaroaren 17ko 38/2003 Lege Orokorraren 31. artikulua aplikatuko da.

Zehazki, honako gastu hauek lagundu daitezke diruz:

- 1.– Lupulu-ustiategietarako, ekitaldirako aurkeztutako laborantza-azalera.
- 2.– Ogitarako zerealen ustiategietarako, kanpainan aurkeztutako laborantza-azalera.
- 3.– Fruitu lehorreko zuhaitzen ustiategietarako (intxaurrondoak edo hurritzak), erregistro ofizialean ekitaldirako aurkeztu/deklaratu/inskribatutako laborantza-azalera.
- 4.– Ahuntz-esnearen ustiategietarako, ekitaldirako aurkeztutako ustiategiko jezteko abereen kopurua.
- 5.– Trufa-ustiategietarako, ekitaldirako aurkeztutako ereinaldi berriko laborantza-azalera.
- 6.– Endurance zaldien ustiategietarako, ekitaldian erositako animaliak.
- 7.– Gizakiak elikatzeko oleaginosoen ustiategietarako, ekitaldirako aurkeztutako ereinaldi berriko laborantza-azalera.
- 8.– Olibadien ustiategietarako, 2023ko NPEn aitortutako laborantza-azalera.

Bosgarrena.– Laguntzen ezaugarriak eta esleitzeko prozedura.

1.– Programari dagozkion laguntzak erregelamendu hauetan ezarritako minimis erregimenaren babespean emango dira: Batzordearen 2013ko abenduaren 18ko 1408/2013 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua nekazaritza-sektorerako minimis laguntzetan aplikatzeari buruzkoa, eta Batzordearen 2019ko otsailaren 21eko 2019/316 (EB) Erregelamendua, zeinaren bidez aldatu egiten baita 1408/2013 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua nekazaritza-sektorerako minimis laguntzetan aplikatzeari buruzkoa.

2.– Estatu kide bakoitzak gehienez ere 20.000 euroko minimis laguntza emango dio enpresa bakar bati hiru ekitaldi fiskaletako edozein alditan.

Muga hori gaindituz gero, gutxitu egingo da emandako dirulaguntzaren zenbatekoa: gehiegizko kopurua zenbat, hainbat gutxituko da.

3.– Minimis laguntzak emandakotzat joko dira onuradunari jakinarazten zaionean laguntza eman zaiola.

4.– Dirulaguntzak lehiaren eta zenbateko erabilgarriaren arabera emango dira, eta oinarrietan ezarritako mugaraino esleituko dira, kreditu erabilgarriaren barruan. Laguntzak jasotzeko betekizunak betetzen dituztenek eskatutako zenbatekoen batura handiagoa bada deialdiaren lerro bakoitzaren zenbatekoa baino, zenbateko hori onuradunen artean hainbanatuko da, dagokion proportzioan. Alabaina, Emakume Nekazarien Estatutuari buruzko urriaren 15eko 8/2015 Lege Orokorraren 15. artikuluaekin bat etorritik, ustiategi hauek zenbateko osoa jasoko dute, hainbanatu gabe, aurrekontu-partida amaitzen bada ere: emakume baten titulartasun osoa edo titulartasun partekatua duten ustiategiak; edo pertsona juridiko baten titulartasuna duten ustiategiak, baldin eta emakumeen esku dauden partaidetza sozialak edo emakumeen ehunekoa gutxienez % 50 bada, bazkideak bi diren kasuan, edo gutxienez orekatua bada, gainerako kasuetan.

Seigarrena.– Laguntzen zenbatekoa, esleipen-irizpideak eta bateragarritasuna.

1.– Laguntzen zenbatekoak ezin izango du gainditu onuradun bakoitzeko eta diruz lagundu daitekeen lerro bakoitzeko 7.000,00 euroko gehieneko zenbatekoa, betiere 3.1.e) eta 5.2 xedapen-zatiekin bat etorritz.

2.– Dirulaguntza bakoitzaren zenbateko banakatua honela kalkulatu da:

a) Lupulu-ustiategien titularren kasuan, onuradun bakoitzeko laguntzaren zenbatekoa laborantza-azaleran oinarrituta barematuko da, tarte hauen arabera:

– 0,15 ha-tik 0,50 ha-ra: 5.000 euro.

– > 0,50 ha-tik 1 ha-ra: 6.000 euro.

– > 1 ha: 7.000 euro.

b) Ogitarako zerealen ustiategien titularren kasuan, onuradun bakoitzeko laguntzaren zenbatekoa laborantza-azaleran oinarrituta barematuko da, tarte hauen arabera:

– 30 ha-raino: 6.000 euro.

– > 30 ha: 7.000 euro.

c) Fruitu lehorreko zuhaitzen (intxaurrondoak eta hurritzak) ustiategien titularren kasuan, onuradun bakoitzeko laguntzaren zenbatekoa labore-azaleran oinarrituta barematuko da, tarte hauen arabera:

– 1 ha-tik 2 ha-ra: 5.000 euro.

– > 2 ha-tik 3 ha-ra: 6.000 euro.

– > 3 ha: 7.000 euro.

d) Ahuntz-esnearen ustiategietako titularren kasuan, jezteko abereen kopuruaren arabera barematuko da onuradun bakoitzeko laguntzaren zenbatekoa:

– 50 eta 100 buru artean: 5.000 euro.

– 101 eta 200 buru artean: 6.000 euro.

– > 200 buru: 7.000 euro.

e) Trufa-ustiategien titularren kasuan, onuradun bakoitzeko laguntzaren zenbatekoa laborantza-azaleran oinarrituta barematuko da, tarte hauen arabera:

– 0,5 ha-tik 2 ha-ra: 6.000 euro.

– > 2 ha: 7.000 euro.

f) Endurance zaldien ustiategien titularren kasuan, erositako animalien kopuruaren arabera barematuko da onuradun bakoitzeko laguntzaren zenbatekoa (gutxieneko betekizunak errespetatuz):

– 10 eta 15 buru artean: 6.000 euro.

– > 15 buru: 7.000 euro.

j) Elikadurarako oleaginosoen ustiategien titularren kasuan, ekitaldian aurkeztutako laborantza-azalera berrian oinarrituta barematuko da onuradun bakoitzeko laguntzaren zenbatekoa, tarte hauen arabera:

- 1 ha-tik 2 ha-ra: 5.000 euro.
- > 2 ha-tik 4 ha-ra: 6.000 euro.
- > 4 ha: 7.000 euro.

i) Olibadi-ustiategien titularren kasuan, onuradun bakoitzeko laguntzaren zenbatekoa laborantza-azalera oinarrituta barematuko da, tarte hauen arabera:

- 1 ha-tik 2 ha-ra: 1.250 euro.
- > 2 ha-tik 3 ha-ra: 2.500 euro.
- > 3 ha-tik 4 ha-ra: 3.750 euro.
- > 4 ha: 5.000 euro.

3.– Dirulaguntzaren zenbatekoak ezin izango du onuradunaren jardueraren kostua inola ere gainditu, nazioko edo nazioarteko beste administrazio publiko batzuen edo beste ente pribatu edo publiko batzuen laguntzekin edo dirulaguntzekin batera.

4.– Laguntzak bateratu ahal izango izango dira beste administrazio publiko batzuek helburu berarekin ematen dituztenekin, baldin eta guztien artean diruz lagundutako jarduera gainfinantzatzen ez bada. Hala izanez gero, agindu hau betez eman beharreko zenbatekoak murriztu egingo dira, laguntzaren xede den jardueraren kostu errealean pare jartzeko. Hala ere, bat etorriz Batzordearen 2013ko abenduaren 18ko 2019/316 (EB) Erregelamenduan ezarritako minimis araubidearekin eta 1408/2013 (EB) Erregelamendua aldatzen duen 2019ko otsailaren 21eko Batzordearen 2019/316 (EB) Erregelamenduekin, onuradun batek ezingo du 20.000 eurotik gorako zenbatekorik jaso hiru urteko aldian, laguntzaren helburua nahiz laguntza ematen duen organoa edozein delarik ere.

Zazpigarrena.– Eskabideak eta dokumentazioa.

1.– Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta hurrengo egunetik aurrera.

2.– Administrazio Publikoen Administrazio Prozedura Erkidearen urriaren 1eko 39/2015 Legearen 14. artikuluari jarraikiz, pertsona juridikoek bitarteko elektronikoen bidez aurkeztu beharko dituzte eskabideak, bai eta ondorengo izapideak egin ere. Pertsona fisikoek hala aurrez aurre nola elektronikoki aurkez ditzakete eskabideak.

– Aurrez aurre: eskabideak Ekonomiaren Garapen, Jasangarritasun eta Ingurumen Sailaren bulegoetan aurkez daitezke (Donostia kalea 1, 01010 Vitoria-Gasteiz), edo, bestela, Administrazio Prozedura Erkidearen urriaren 1eko 39/2015 Legearen 16.4 artikuluan ezarritako tokietako batean. Zuzenean Zerbitzuko eskabideak aurkezteko, ezinbesteko izango da alde zuzenetik hitzordua hartuta izatea, helbide honetan: <https://www.euskadi.eus/cita-previa-zuzenean>

– Elektronikoki: eskabideak Euskal Autonomia Erkidegoko Administrazio Publikoaren egoitza elektronikokoan ere aurkez daitezke (<https://www.euskadi.eus/servicios/1206803>).

Helbide horretan, eskuragarri egongo dira bai eskabide-formularioa, bai eskabideak aurrez aurre nahiz telematikoki aurkezten eta justifikatzen laguntzeko informazioa ere.

3.– Helbide honetan ikus daiteke identifikaziorako eta sinadura elektronikoreko zein bitarteko onartzen diren Euskal Autonomia Erkidegoko Administrazio publikoaren egoitza elektronikoa:

<https://www.euskadi.eus/ziurtagiri-elektronikoak>

4.– Eskabidea ordezkari baten bidez ere izapidetu ahal izango da elektronikoki. Horretarako, ordezkari-tza Euskal Autonomia Erkidegoko Administrazio Publikoaren Ahalordeen Erregistro Elektronikoa inskribatu ahal izango da, helbide honetan: <https://www.euskadi.eus/ordezkarieren-erregistro-elektronikoa/web01-sede/eu/> Beste pertsona bati ordezkari-tza-ahalmena eman behar bazaio jardun dezan, ordezkari-tza hori justifikatu beharko da, Administrazio Publikoen Administrazio Prozedura Erkidearen urriaren 1eko 39/2015 Legearen 5. eta 6. artikuluetan ezarritakoaren arabera.

5.– Izapidetze elektronikoa kasuan, eskabidea aurkeztu ondoko izapideak Euskal Autonomia Erkidegoko Administrazio Publikoaren egoitza elektronikoko «Nire karpeta» atalaren bidez egin eta jakinaraziko dira (<https://www.euskadi.eus/nirekarpeta>).

6.– Eskatzaileak aukeran euskaraz edo gaztelaniaz aurkeztu ahal izango ditu eskabidea eta dokumentuak. Era berean, prozedura osoan, eskatzaileak hautatutako hizkuntza erabiliko da, Euskararen Erabilera Normalizatzeko azaroaren 24ko 10/1982 Oinarrizko Legearen 5.2.a) eta 6.1 artikuluetan xedatutakoaren arabera.

7.– Agindu hau aplikatuz jasotzen diren datu pertsonalak Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoan eta aplikatu beharreko gainerako araudian xedatutakoaren arabera tratatuko dira.

Datuen babesari buruzko informazioa lortzeko:

<https://www.euskadi.eus/informazio-klausulak/web01-sedepd/eu/gardentasuna/113000-cap1-eu.shtml>

Zortzigarrena.– Eskabidearekin batera aurkeztu beharreko agiriak.

1.– Eskabide guztiekin batera, dokumentu hauek aurkeztuko dira nahitaez, entitate eskatzailearen eta gauzatuko den jardueraren ezaugarriekin bat etorriz:

2.– Dokumentazioa:

a) Ustiategiaren erregistroan eta Abeltzaintzako Ustiategiaren Erregistroan (ahuntz-esnearen ustiategiak) izena emanda dagoela egiaztatzen duen agiria.

b) Ustiategi asoziatiboaren kasuan, entitatearen IFKren kopia (ustiategiaren titularraren edo titularkidearen NANA aurkezten bada, automatikoki egiaztatuko da, ebazpen-zati honen 3. apartatuan adierazten den moduan). Halaber, bazkideen kopurua adierazi beharko da, gizonen eta emakumeen banaketarekin batera, bai eta emakumeen esku dauden partaidetza sozialen ehunekoa ere.

c) Hirugarrenen Erregistroan alta eman izanaren ziurtagiria (helbide honetan eman behar da alta: <https://www.euskadi.eus/hirugarrenak>).

d) Abeltzaintza-eroldaren edo ustiategi eskatzaileari atxikitako azaleraren ziurtagiria.

e) Hala badagokio, hirugarren ebazpen-zatiaren 3. apartatuko betekizun espezifikoaren arabera elkartuta dagoela egiaztatzen duen agiria.

f) Hektarea berriak landu edo landatzeko, eskatzen diren barietate eta laboreak erabiltzeko, animaliak erosteko eta ureztapena erabiltzeko orduan hirugarren ebazpen-zatiaren 3. apartatuko betekizun espezifikoak betetzen direla egiaztatu edo ziurtatzen duten agiriak.

g) Eraldaketa- eta merkaturatze-baldintzatzaileei buruzko egiaztagirak, hirugarren ebazpen-zatiaren 3. apartatuan xedatutako berariazko betekizunen arabera, hala badagokio. Gainera, elikagaietarako oleaginosoen laguntzarako, frogatu beharko da enpresaren batean mekanikoki eraldatu direla, eta baldintza eta ehuneko egokietan saldu direla egiaztatu.

h) Ziurtapen- edo aholkularitza-baldintzatzaileei buruzko egiaztagirak, hirugarren ebazpen-zatiaren 3. apartatuan xedatutako berariazko betekizunen arabera, hala badagokio.

i) Entitatearen legezko ordezkariaren erantzukizunpeko adierazpena. Adierazpena eskabideari atxikita dagoen ereduaren arabera egingo da, eta honako alderdi hauek jasoko dira:

– Euskal Autonomia Erkidegoaren lurralde-eremuan kokatutako ustiategi baten titularra dela, edo sektorean sartzeko prozesuan dagoela Gaztenek programaren barruan (onetsitako proiektua).

– Abereen osasunari, higienari, ongizateari eta trazabilitateari buruzko indarreko arauak betetzen dituela, eta zigorrik ez duela jaso arlo horietan deialdi honen aurreko azken hiru urteetan.

– Minimis erregimenean ez duela jaso 20.000 euroko laguntzarik, edozein kontzeptutan, deialdi honen aurreko bi ekitaldi fiskaletan eta abian den ekitaldi fiskalean.

– Diruz laguntzekoa den gastu bererako beste dirulaguntza, laguntza, diru-sarrera edo baliabide ekonomikorik eskatu dion ala ez Administrazio publiko edo ente publiko edo pribaturen bati, eta eskuratu duen ala ez. Halakorik eskatu edo eskuratu bada, laguntza eman duen entitatea zein den eta zenbateko laguntza jaso den jakinarazi beharko da. Era berean, jakinarazpen horrekin batera berariazko adierazpen bat aurkeztu beharko da aurreko bi ekitaldi fiskaletan eta abian den ekitaldian jasotako gainerako minimis laguntzei dagokienez.

– Ez daukala ebatzita Administrazioarekin egindako kontratu baten amaiera irmoa, kausaren batean errudun deklaratu izateagatik.

– Ez dagoela Euskal Autonomia Erkidegoko Administrazio orokorrak eta haren organismo autonomoek emandako izaera bereko laguntzen edo dirulaguntzen esparruan hasitako itzultze- edo zehatze-prozeduraren batean, oraindik izapidetzen ari bada.

– Ez duela dirulaguntza edo laguntza publikoak jasotzea eragozten dion zehapen penalik eta administratiborik, eta ez duela horretarako legezko inolako debekurik, Dirulaguntzei buruzko azaroaren 17ko 38/2003 Lege Orokorraren 13.2 artikuluan xedatutakoak eta sexu diskriminazioagatik debekuak barne, Emakumeen eta gizonen berdintasuna lortzeko eta emakumeen aurkako indarkeria matxistarik gabe bizitzeko legearen testu bategina onartzen duen martxoaren 16ko 1/2023 Legegintzako Dekretuaren 23.2 xedatutakoarekin bat etorritik.

– Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak dutenak ez daudela Kargu publikodunen jokabide-kodea eta haien interes-gatazkak arautzen dituen ekainaren 26ko 1/2014 Legean jasotako kasuren batean, edo ez dutela Hauteskunde Araubide Orokorraren ekainaren 19ko 5/1985 Lege Organikoan araututako hautapen bidezko kargurik, horietan ezarritako baldintzetan.

– Ez duela egoitza fiskalik erregelamenduz zerga-paradisu gisa kalifikatutako ezein herrialde edo lurraldetan.

– Ez dagoela bete gabeko berreskuratze-agindu baten mende, Europako Batzordeak aurretiaz erabaki badu laguntza bat legez kanpokoa dela eta ezin dela barne-merkatuarekin bateratu.

– Ez duela konkurtso-deklarazioa eskatu, ez dutela jo kaudimengabetzat ezein prozeduratan, ez dagoela konkurtsoan deklaraturata (salbu eta horretan hitzarmen batek eraginkortasuna hartu badu), eta ez dagoela esku-hartze judizialaren mende.

3.– Organo kudeatzaileak behar beste aldiz egiaztatuko ditu, automatikoki, eta baimena jaso beharrik izan gabe, zerga-betebeharrak eta Gizarte Segurantzarekikoak, bai eta NANA ere, Euskadiko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren arabera. Eskatzaileak baimenaren aurka egin ahal izango du, horren zergatikoa emanda, Euskadiko Ogasun Nagusiaren Antolarauei buruzko Legearen testu bateginaren 50.3 artikuluari jarraituz (azaroaren 11ko 1/1997 Legegintza Dekretuaren bidez onartu zen testu bategin hori); hala eginez gero, aipatutako egiaztatgiak aurkeztu beharko ditu.

Ekonomia eta Ogasuneko sailburuaren 2023ko otsailaren 13ko Aginduan xedatutako kasuetan, egiaztapen hori egiteko, erantzukizunpeko adierazpena baliatuko da. Agindu hori, zehazki, Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzko betebeharra betetzen direla egiaztatzeari buruzkoa da 8. artikuluko horren 3. apartatuaren arabera, Nekazaritza eta Abeltzaintza Zuzendaritzak egiaztatu ahal izango du betebeharrorik betetzen diren ala ez.

Bederatzigarrena.– Eskabideak zuzentzea.

1.– Eskabidea puntu guztietan behar bezala beteta ez badago, edo aurreko artikuluan adierazitako dokumentazio guztia aurkezten ez bada, 10 eguneko epea emango zaio eskatzaileari akatsa zuzentzeko edo beharrezkoak diren agiriak aurkezteko. Epe hori igarota hala egiten ez bada, eskabidean atzera egin duela ulertuko da, eta hala adieraziko da, Nekazaritza eta Abeltzaintzako zuzendariaren ebazpen baten bidez, bat etorritik Administrazio Publikoen Administrazio Prozedura Erkidearen urriaren 1eko 39/2015 Legearen 68. artikulurekin.

2.– Eskabidea izapidetzeko onartu ondoren, dirulaguntzak kudeatzeaz arduratuko den organoak egokitzat jotzen duen informazioa eskatu ahal izango dio eskatzaileari, aurkeztutako proiektua egokiro baloratzeko; 10 eguneko epea emango dio informazioa aurkezteko, eta adieraziko dio ezen, hala egiten ez bada, eskatutako informazioa kontuan hartu gabe baloratuko dela proiektua.

Hamargarrena.– Organo kudeatzailea eta ebazpena.

1.– Agindu honetan aurreikusitako laguntzen kudeaketa Eusko Jaurlaritzako Ekonomiaren Garapen, Jasangarritasun eta Ingurumen Saileko Nekazaritza eta Abeltzaintza Zuzendaritzari dagokio.

2.– Eskatzaileek aurkeztutako dokumentazioa aztertu ondoren, Nekazaritza eta Abeltzaintzako zuzendariak laguntza-lerro bakoitzari dagozkion ebazpenak emango ditu. Ebazpen horietan, eskatzaileari laguntza eman edo ukatuko zaio, gehienez ere hiru hilabeteko epean, eskabideak aurkezteko epea amaitu eta hurrengo egunetik aurrera.

3.– Aurreko apartatuan adierazitako epea igaro eta berriazko ebazpenik eman edo jakinarazi ez bada, eskabideak ezetsizat jo ahal izango dira, Euskadiko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintza Dekretuaren 51.9 artikuluan ezartzen denez.

4.– Aurreikusitako laguntzei buruzko ebazpena banan-banan jakinarazi behar bada ere, Nekazaritza eta Abeltzaintzako zuzendariaren ebazpen baten bidez EHAA-n argitaratuko da emandako dirulaguntzen eta laguntza jasoko duten pertsonen zerrenda, baita laguntzen zenbatekoak ere, herritarrak jakinaren gainean egon daitezzen.

5.– Ebazpen horren bidez erabakiko da eskatutako dirulaguntzak ematen diren edo ukatzen diren; ematen badira, ebazpenean adieraziko dira entitate onuraduna, diruz lagunduko den azalera edo animaliak, dirulaguntzaren zenbatekoa, eta minimis laguntzak diren ala ez; ukatzen badira, ukatzearen arrazoiak adieraziko dira, bai eta zer errekurtso aurkez daitezkeen ere.

6.– Ebazpenak ez dio amaiera ematen administrazio-bideari, eta, haren aurka, interesdunek gora jotzeko errekurtsoa aurkeztu ahal izango diote Nekazaritzako, Arrantzako eta Elikagai Politikako sailburuordeari, hilabeteko epean, ebazpenaren jakinarazpena jaso eta hurrengo egunetik aurrera, edo, noiznahi, administrazio-isiltasunaren ondorioak gertatu eta hurrengo egunetik aurrera, betiere Administrazio Publikoen Administrazio Prozedura Erkidearen urriaren 1eko 39/2015 Legearen 121. eta 122. artikuluekin bat etorritz.

Hamaikagarrena.– Justifikazioa eta ordainketa.

1.– Eskatzaileak, eskabidearekin batera, gastuen justifikazio-kontua aurkeztu beharko du, behar bezala sinatuta. Kontu horrek informazio hau adieraziko du:

a) Diruz lagundutako jardueraren gastuen eta inbertsioen zerrenda sailkatua, hauek zehaztuta: hartzekodunaren eta dokumentuaren identifikazioa, zenbatekoa, zer datatan jaulki den, eta zer datatan ordaindu den.

b) Diruz lagundutako jarduera finantzatu duten beste diru-sarrerak edo dirulaguntza batzuen xehetasuna, hauek zehaztuta: zenbatekoa eta jatorria.

Dirulaguntzak lortu ahal izateko, dirulaguntza jasotzeko behar diren baldintzak eta betekizunak egiaztatu beharko dira. Hori dela eta, dirulaguntza ematen den unean justifikatutzat joko dira; nolana ere, Administrazioak egiaztapen-jarduketak eta finantza-kontrola egin ditzake datuen zehaztasuna frogatzeko.

2.– Laguntza emateko ebazpena eman eta gehienez ere hiru hilabeteko epean ordainduko dira laguntzak, agindu honen zortzigarren artikuluan aurreikusitako dokumentazioa eta justifikazio-kontua aurkeztu ondoren.

3.– Ordainketa bakarra izango da, laguntza jasotzeko baldintzak betetzen direla egiaztatutakoan.

4.– Edonola ere, eskatzaileei ez zaie laguntzarik ordainduko, baldin eta Euskal Autonomia Erkidegoko Administrazio orokorrak edo haren organismo autonomoek emandako gisa bereko laguntza edo dirulaguntzengatik itzultze- edo zigor-prozeduraren batean sartuta badaude, eta prozedura horiek amaitu gabe badaude.

5.– Era berean, ez da ordainketarik egingo onuradunak egunean ez baditu zerga-betebeharrak eta Gizarte Segurantzarekikoak, edo itzulketa-ebazpen batek adierazita zordun bada.

6.– Nekazaritza eta Abeltzaintzako zuzendariek, emaitzak, egiaztapenak eta aurkeztutako dokumentazioa oinarritzat hartuta, ordainketa bakarra egingo du, dagokion ebazpenaren bidez.

7.– Onuradunak aurkezturiko dokumentazioaren datuak egiazkoak direla frogatzeko, Nekazaritza eta Abeltzaintzako Zuzendaritzak beharrezkotzat jotzen duen dokumentazio eta informazio osagarri guztia eska dezake.

8.– Administrazioak laguntzak ordaindu ahal izateko, onuradunak Eusko Jaurlaritzaren datu-base egokian egon beharko du. Alta emateko edo hirugarren interesdunen datuak aldatzeko, Eusko Jaurlaritzaren hirugarrenentzako erregistro elektronikora jo beharko du, helbide honetan: <https://www.euskadi.eus/hirugarrenak>

Hamabigarrena.– Onuradunen betebeharrak

Agindu honetan araututako dirulaguntzen onuradunek Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50.2 artikuluan ezarritako betebeharrak bete beharko dituzte, bai eta Dirulaguntzei buruzko azaroaren 17ko 38/2003 Lege Orokorraren 14. eta 16. artikuluetan adierazitakoak ere, eta zehazki honako hauek:

a) Emandako laguntza onartzea. Hala bada, laguntza eman izanaren jakinarazpena jaso eta 15 eguneko epean onuradunak berariaz eta idatziz uko egiten ez badio, laguntza onartutzat joko da.

b) Dirulaguntza dagokion helburu jakinerako erabiltzea.

c) Ekonomiaren Garapen, Jasangarritasun eta Ingurumen Sailaren esku jartzea gastuak egin direla egiaztatzeko behar diren dokumentu guztiak.

d) Kontrol Ekonomikoko Bulegoari eta Herri Kontuen Euskal Epaitegiari laguntzak nola erabili diren eta laguntzen helburuak bete diren egiaztatzeko eskatzen duten informazio guztia ematea.

e) Administrazio baten edo erakunde publiko zein pribatu baten beste laguntza edo dirulaguntza bat lortuz gero helburu bera betetzeko, horren berri ematea idatziz Ekonomiaren Garapen, Jasangarritasun eta Ingurumen Sailari, baita 2021eko, 2022ko eta 2023ko ekitaldietan beste minimis laguntza batzuk jaso badira ere.

f) Dirulaguntza emateko kontuan hartutako baldintzaren bat aldatuz gero, objektiboa zein subjektiboa izan, horren berri ematea idatziz Ekonomiaren Garapen, Jasangarritasun eta Ingurumen Sailari.

g) Eman den dirulaguntzaren indarraldi osoan egunean izatea zerga-betebeharrak eta Gizarte Segurantzarekikoak, eta jasotako funtsak itzultzea, itzultzeko ebazpen baten ondorioz zorrak iza-nez gero.

h) Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50. artikuluan, Dirulaguntzei buruzko azaroaren 17ko 38/2003 Legearen 14. artikuluan eta haiek garatzen dituzten arauetan ezarritako eginbeharrak betetzea.

i) Entitate onuradunek, Dirulaguntzei buruzko azaroaren 17ko 38/2003 Legearen 18. artikuluan adierazten den publikotasun-eginbeharra betetze aldera, laguntzen deialdi honetan lortutako dirulaguntzaren berri emango diote publiko orokorrari. Horretarako, hau egin behar dute:

Jardueraren sustapenarekin zerikusia duten argitalpen, liburuxka edo publizitate guztietan, Ekonomiaren Garapen, Jasangarritasun eta Ingurumen Sailaren dirulaguntza berariaz aipatzea. Halaber, agindu honek araututako dirulaguntza lortu dela adierazten duen kartel bat jarriko dute gutxienez, publikoak erraz ikusteko moduko leku batean, eraikinera sartzeko ateburutik edo ateburuetatik gertu, eta gutxienez A3 neurrikoa. Kartela gutxienez 6 hilabetez eduki beharko da jarrita, dirulaguntza eman dela jakinarazten denetik.

Zabalkunderako egiten diren kartel, testu eta dokumentu guztiak euskaraz eta gaztelaniaz egingo dira.

Publizitatea Eusko Jaurlaritzaren erakunde-nortasunaren eskuliburuan xedatutakoaren arabera egingo da (http://www.lehendakaritza.ejgv.euskadi.eus/r48-contsepr/es/contenidos/informacion/v2_simbolos/es_simboide/simbolos_identidad.html).

Hamahirugarrena.– Dirulaguntzaren baldintzak aldatzea.

Dirulaguntza emateko kontuan hartutako baldintzetako bat aldatuz gero, edo beste entitate publiko nahiz pribatu batek beste laguntza edo dirulaguntzaren bat emanaz gero, Nekazaritza eta Abeltzaintza Zuzendaritzari jakinarazi beharko zaio idatziz, eta gerta daiteke horren ondorioz dirulaguntza emateko ebazpena aldatzea; kasu horretan, edonola ere, agindu honetan ezarritako betekizunak bete beharko dira, Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuak 49.12 artikuluan xedatutakoari jarraikiz, eta dirulaguntzaren xedea betetzat jo beharko da.

Horretarako, Nekazaritza eta Abeltzaintzako zuzendariak dagokion ebazpena emango du, emandako dirulaguntzaren zenbatekoak egokitzeko, edo, hala badagokio, jasotako gehiegizko zenbatekoak eta berandutze-interesak itzul daitezen agintzeko.

Hamalagarrena.– Atzera egitea eta uko egitea.

1.– Eskatzaileak eskabidean atzera egin ahalko du, betiere laguntzak emateko prozeduraren ebazpena jakinarazi aurretik. Horretarako, atzera egiteko eskabidea helarazi beharko dio Nekazaritza eta Abeltzaintzako zuzendariari, idatziz, eta hark, ebazpen baten bidez, bete-betean onartuko du eskaera, eta amaitutzat emango du hari dagokion prozedura, bat etorri Administrazio Publikoen Administrazio Prozedura Erkidearen urriaren 1eko 39/2015 Legearen 93. eta 94. artikuluekin.

2.– Onuradunak galdu egingo du ebazpenaren bidez onartutako eskubidea, bai eta laguntza osoa edo haren zati bat jasotzeko eskubidea ere, kasuan-kasuan, baldin eta laguntzari uko egiteko idazki bat aurkezten badu hamaikagarren ebazpen-zatian adierazitako epean; Nekazaritza eta Abeltzaintzako zuzendariak uko-egitea onartu beharko du, ebazpen bidez.

Hamabosgarrena.– Ez-betetzeak.

1.– Baldin eta onuradunek Ekonomiaren Garapen, Jasangarritasun eta Ingurumen Sailaren dirulaguntza eskatutako eta onartutako xede espezifikoa betetzeko erabiltzen ez badute, dirulaguntza ematea eragin zuen jarduera egiten ez badute, dirulaguntza dagozkion helburu jakinetarako erabili dela egiaztatzen ez badute edo, oro har, organo eskudunak ezarritako baldintzaren bat betetzen ez badute, dirulaguntza jasotzeko eskubidea galdu dutela adieraziko da, betiere alde aurretik interesdunari entzun ondoren; gainera, hala badagokio, behartuta egongo dira Euskal Autonomia Erkidegoko Diruzaintza Nagusiari dagokion zenbatekoa itzultzera eta berandutze-interes legalak ordaintzera, proportzionaltasun-printzipioa betez, eta bat etorri Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Lege Dekretuarekin, Dirulaguntzei buruzko azaroaren 17ko 38/2003 Lege Orokorraren 37. artikuluekin, eta Euskal Autonomia Erkidegoko Aurrekontu Orokorren kontura emandako dirulaguntzen bermeei eta itzulketei buruzko erregimen orokorra arautzen duen abenduaren 17ko 698/1991 Dekretuarekin.

2.– Era berean, dirulaguntzarekin lotutako jardueraren kostuarekiko gehiegizko zenbatekoa itzuli beharko da, baldin eta beste laguntza edo dirulaguntza batzuekiko bateragarritasunaren muga gainditzen bada, bat etorri seigarren ebazpen-zatian adierazitakoarekin; horrek, dena dela,

ez du eragotziko bestelako zigorrak jarri ahal izatea, ez eta kalte-galeren ordainak eta erantzukizun penala exijitzea ere, hala badagokio. Aipatutako zenbatekoek diru-sarrera publikotzat joko dira, dagozkion ondorioetarako.

3.– Dirulaguntzei buruzko azaroaren 17ko 38/2003 Lege Orokorraren 37.2 artikulua arabera, onuradunaren betetze-maila nabarmen hurbiltzen bada erabateko betetze-mailara, eta onuradunek argi eta garbi egiaztatzen badu bere konpromisoak betetzeko jarduna egin duela, dirulaguntzaren zati bat ordainduko zaio; edo, hala badagokio, zati bat itzuli beharko du, eta gauzatutako jarduerak erabateko betetze-mailari begira duen proportzioaren arabera egingo da kalkulua. Edonola ere, onuradunak kobratu ahal izango duen zenbateko partziala bat etorriko da onartutako dirulaguntzatik behar bezala justifikatu den egiazko zenbatekoarekin, eta laguntza ematen duen entitateak justifikazioa egiaztatu eta onartu ondoren ordainduko zaio.

4.– Nekazaritza eta Abeltzaintzako zuzendariak hasi eta ebatziko du ez-betetzeagatiko itzulketak-espeditentea.

AZKEN XEDAPENETAKO LEHENENGOA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondoreak.

AZKEN XEDAPENETAKO BIGARRENA

Agindu honek amaiera ematen dio administrazio-bideari, eta, beronen aurka, aukerako berraztertzeko errekurtsua jarri ahal izango zaio Ekonomiaren Garapen, Jasangarritasun eta Ingurumeneko sailburuari, hilabeteko epean. Bestela, zuzenean administrazioarekiko auzi-errekurtsua jarri ahal izango da Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteko epean. Kasu bietan, agindua Euskal Herriko Agintaritzaren Aldizkarian argitaratu eta hurrengo egunean hasiko dira epeak.

Vitoria-Gasteiz, 2023ko irailaren 5a.

Ekonomiaren Garapen, Jasangarritasun eta Ingurumeneko sailburua,
MARÍA ARANZAZU TAPIA OTAEGUI.

ERANSKINA

LAGUNTZA-ESKAERA, NEKAZARITZA-AZPISEKTOREAREN DIBERTSIFIKAZIORAKO, EKOIZPENAREN ERALDAKETARI EDO KALITATEARI LOTUTAKO BERRIKUNTZAREN EREMUAN, MINIMIS LAGUNTZEN ERREGIMENAREN ARABERA

Izen-abizenak

NAN/IFZ

Helbidea

Herria

Lurralde historikoa

PK

Ustiategiaren kodea

Telefonoa

Helbide elektronikoa

Eskatzen den laguntza-lerroa

- Lupulua
- Ogitarako zerealak
- Fruitu lehorrak
- Ahuntz-esnea.
- Trufa
- Endurance zaldiak.
- Gizakiak edo animaliak elikatzeko oleaginosoak.
- Olibadia

Dokumentazio hau aurkezten du:

- Ustiategiaren erregistroan eta Abeltzaintzako Ustiategiaren Erregistroan (ahuntz-esnearen ustiategiak) izena emanda dagoela egiaztatzen duen agiria.
- Ustiategi asoziatiboaren kasuan, entitatearen IFKren kopia, datu hauekin batera: bazkide kopurua, gizonen eta emakumeen banaketa, eta emakumeen esku dauden partaidetza sozialen ehunekoa.
- Hirugarrenen Erregistroan alta eman izanaren ziurtagiria (helbide honetan eman behar da alta: <https://www.euskadi.eus/hirugarrenak>).
- Abereen erroldaren edo ustiategi eskatzaileari atxikitako azaleraren ziurtagiria.
- Elkartuta dagoela egiaztatzen duen agiria, hirugarren ebazpen-zatiaren 3. apartatuko betekizun espezifikoen arabera, hala badagokio.
- Hektarea berriak landu edo landatzeko, eskatzen diren barietate eta laboreak erabiltzeko, animaliak erosteko eta ureztapena erabiltzeko orduan, hirugarren ebazpen-zatiaren 3. apartatuko betekizun espezifikoak betetzen direla egiaztatzen edo ziurtatzen duten agiria.
- Eraldaketa- eta merkaturatze-baldintzatzaileei buruzko egiaztagiria, hirugarren ebazpen-zatiaren 3. apartatuan xedatutako berriazko betekizunen arabera, hala badagokio.
- Ziurtapen- edo aholkularitza-baldintzatzaileei buruzko egiaztagiria, hirugarren ebazpen-zatiaren 3. apartatuan xedatutako berriazko betekizunen arabera, hala badagokio.

Hau adierazten du:

Euskal Autonomia Erkidegoko lurralde-eremuan kokatutako ustiategi baten titularra da, edo sektorean sartzeko prozesuan dago Gaztenek programaren barruan (onetsitako proiektua).

Diruz laguntzekoa den gastu bererako beste dirulaguntza, laguntza, diru-sarrera edo baliabide ekonomikorik eskatu zaion ala ez administrazio publiko edo ente publiko edo pribaturen bati, eta jaso den ala ez.

- Ez du laguntzarik eskatu/jaso.
 Eskatu/jaso egin du (osatu koadroa):

Eskatutakoa	Jasotakoa	Entitatea	Zenbatekoa

2023ko, 2022ko eta 2021eko aldietan, eta minimis laguntzen araubideari dagokionez:

- Ez du laguntzarik jaso.
 Minimis laguntzak jaso ditu (osatu koadroa):

Data	Entitatea	Kontzeptua	Zenbatekoa

- Abereen osasunari, higienerari, ongizateari eta trazabilitateari buruzko indarreko arauak betetzen ditu, eta ez du zigorrak jaso arlo horietan deialdi honen aurreko azken hiru urteetan.
- Dirulaguntzak itzultzeko betebeharrak ordainduak ditu.
- Ez dauka ebatzita Administrazioarekin egindako kontratu baten amaiera irmoa, kausaren batean errudun deklaratu izateagatik.
- Ez du dirulaguntza edo laguntza publikoak jasotzea eragozten dion zehapen penalik edo administrazio-zehapenik, eta ez du horretarako legezko inolako debekurik, Dirulaguntzei buruzko azaroaren 17ko 38/2003 Lege Orokorren 13.2 artikuluan xedatutakoak barnean hartuta, bai eta sexu-bereizkeriagatiko debekuak ere, Emakumeen eta Gizonen berdintasunerako otsailaren 18ko 4/2005 Legearen azken xedapenetako seigarrenean xedatutakoarekin bat etorritik.
- Ez dago kargu publikodunen jokabide-kodea eta haien interes-gatazkek arautzen dituen ekainaren 26ko 1/2014 Legean jasotako kasuren batean, edo ez du Hauteskunde Araubide Orokorren ekainaren 19ko 5/1985 Lege Organikoan araututako hautapen bidezko kargurik, horietan ezarritako baldintzetan.
- Zerga-egoitza ez dauka erregelamenduz zerga-paradisua gisa kalifikatutako herrialde edo lurralde batean.
- Ez dago berreskuratze-agindu baten mende, Europako Batzordeak aurretiaz erabaki badu laguntza bat legez kanpoko eta barne-merkatuarekin bateraezina dela.
- Ez du eskatu konkurtso-deklarazioa, ez dute kaudimengabetzat jo ezekin prozeduratan, ez dago konkurtsoan deklaratu (salbu eta horretan hitzarmen batek eraginkortasuna hartu badu), eta ez dago esku-hartze judicialaren mende.

Halaber, erantzukizunpeko adierazpen hau aurkezteak –urriaren 1eko 39/2015 Legearen 69. artikulua aplikatuta– esan nahi du betebeharrorik betetzen dituela, hala ziurtatzen duen dokumentazioa duela, hura eskatzen zaionean Administrazioaren eskura jarriko duela eta eskubidea aitortzen zaion bitartean betebeharrorik betetzeko konpromisoa hartzen duela; badakiela funtsezko zehaztasunik ezak, faltsukeriak edo ez-egiteak erantzukizun penalak, zibilak edo administratiboak ekar ditzakeela; eta Administrazioak egiaztatzeko, kontrolatzeko eta ikuskatzeko ahalmena duela.

Laguntza honen organo kudeatzaileak automatikoki egiaztatuko ditu NANA, zerga-betebeharrak egunean dituela egiaztatzen duten ziurtagiriak eta Gizarte Segurantzarekiko ordainketak egunean dituela egiaztatzen duten agiriak. Horretarako, eskatzaileek edo onuradunek ez dute berriazko baimenik eman beharrik izango, berriaz uko egiten diotela adierazten denean salbu, eta, kasu horretan, dagokien ziurtagiria edo eskatutako dokumentua aurkeztu beharko dute. Hori guztia Euskadiko Ogasun Nagusiaren Antolarauei buruzko Legearen testu bateginaren 1/1997 Legegintzako Dekretuaren 50.3 artikulua eta Administrazio Publikoen Administrazio Prozedura Erkidearen 39/2015 Legearen 28.2 artikulua aplikatuz.

Berriaz ukatzen dut baimena, eta adierazpen honekin batera aurkeztuko ditut NANA eta bi ziurtagiriak.

.....(e)n,(e)koaren(e)(a)n

Eskatzailearen sinadura